



Broj:01/4-02-493/22  
Sarajevo, 09.3.2022. godine

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

Primljeno: 09-03-2022			
Org. jed.	Broj	Priloga	Vrijednost
0			

PREDSTAVNIČKOM DOMU  
PARLAMENTA FEDERACIJE BiH

**Komisija za zaštitu ljudskih prava i sloboda** Predstavničkog doma Parlamenta Federacije BiH na 17. sjednici, održanoj 7.3.2022. godine, razmatrala je:

1. Specijalni izvještaj o govoru mržnje u BiH – Institucija Ombudsmana u BiH;
2. Prijedlog Zakona o dopuni Krivičnog zakona FBiH, predlagač - Zlatko Ercegović;
3. Prijedlog Zakona o izmjenama i dopunama Krivičnog zakona FBiH, predlagač - Klub zastupnika Naše stranke;
4. Prijedlog Zakona o izmjenama i dopunama Krivičnog zakona, predlagači - Lana Prlić i Aner Žuljević;

Na osnovu člana 44. stav 2., a u vezi sa članom 60. Poslovnika Predstavničkog doma Parlamenta Federacije BiH, Komisija podnosi Domu sljedeći:

## IZVJEŠTAJ

### 1. Specijalni izvještaj o govoru mržnje u BiH – Institucija Ombudsmana u BiH

Nakon obrazloženja predstavnice Institucije ombudsmana za ljudska prava u BiH i diskusije članova Komisije, usvojen je sljedeći

## ZAKLJUČAK

Članovi Komisije za zaštitu ljudskih prava i sloboda, glasajući sa šest glasova „za“, bez „suzdržanih“ i bez glasova „protiv“, predlažu Predstavničkom domu Parlamenta FBiH da usvoji Specijalni izvještaj o govoru mržnje u BiH, a s ciljem preventivnog djelovanja u ovoj oblasti i osuđivanja svih vrsta govora mržnje.

### 2. Prijedlog Zakona o dopuni Krivičnog zakona FBiH, predlagač - Zlatko Ercegović

Nakon obrazloženja predlagača i diskusije članova Komisije za zaštitu ljudskih prava i sloboda, usvojen je sljedeći

## ZAKLJUČAK

Članovi Komisije za zaštitu ljudskih prava i sloboda Predstavničkog doma Parlamenta Federacije BiH, glasajući sa šest glasova „za“, bez „suzdržanih“ glasova i bez glasova „protiv“, predlažu da se usvoji predloženi Prijedlog Zakona o dopuni Krivičnog zakona FBiH,

uz sugestiju da predlagač dopuni predloženi član 359.a., te da se uz dodavanje krivičnog djela sprječavanja rada zdravstvenih radnika odmah obuhvati i pojam prisile rada zdravstvenih radnika, na način da doda još jedan stav ovog novog člana Zakona. Ovu sugestiju predlagač je prihvatio.

### **3. Prijedlog Zakona o izmjenama i dopunama Krivičnog zakona FBiH, predlagač - Klub zastupnika Naše stranke**

U ime Kluba Naše stranke uvodno obrazloženje podnijela je predsjednica ove Komisije, Miomirka Melank, koja je objasnila da predmetni Prijedlog izmjena upućen u proceduru prije dvije godine, da sadrži 45 izmjena, pa se očekivalo razmatranje u redovnoj proceduri. Nakon uvodnog obrazloženja i diskusije članova Komisije za zaštitu ljudskih prava i sloboda, usvojen je sljedeći:

#### **ZAKLJUČAK**

Članovi Komisije za zaštitu ljudskih prava i sloboda, glasajući sa pet glasova „za“, jednim „suzdržanim“ glasom i bez glasova „protiv“, predlažu Predstavničkom domu da se predmetni Prijedlog zakona o izmjenama i dopunama Krivičnog zakona FBiH, zbog složenosti predloženih izmjena vrati i razmatra u redovnoj proceduri, umjesto skraćene procedure, kako je predviđeno u dostavljenom dnevnom redu.

### **4. Prijedlog Zakona o izmjenama i dopunama Krivičnog zakona, predlagači - Lana Prlić i Aner Žuljević**

U ime predlagača predmetnog Prijedloga Zakona, obrazlagala je Lana Prlić, koja je objasnila da je riječ o izmjeni nekoliko članova Zakona (čl. 71., 78a, 174. i 323.) s ciljem uvođenja nove vrste krivičnog djela - izazivanje nereda na sportskim takmičenjima i učestvovanje u tuči imalo bi zakonsko uporište da bude sankcionisano, kao i da se otvori zakonska mogućnost zabrane pristupa huliganima sportskim takmičenjima.

Nakon uvodnog obrazloženja i diskusije članova Komisije za zaštitu ljudskih prava i sloboda, usvojen je sljedeći:

#### **ZAKLJUČAK**

Članovi Komisije za zaštitu ljudskih prava i sloboda, glasajući sa pet glasova „za“, bez „suzdržanih“ glasova i bez glasova „protiv“, podržavaju predmetne zakonske izmjene, te predlažu Predstavničkom domu da ih usvoji.

Na osnovu člana 53. Poslovnika Predstavničkog doma Parlamenta Federacije BiH za izvjestiteljicu je određena predsjednica Komisije Miomirka Melank.

**PREDSJEDNICA KOMISIJE**  
Miomirka Melank

